



Centar će u 2018. godini, u saradnji sa nadležnim institucijama:

- Nastaviti ažurirati bazu sudskih odluka sa odlukama najviših sudskih instanci,
- Dopuniti bazu odlukama koje postaju pravomoćne na nivou kantonalnih/okružnih sudova,
- Raditi na unapređenju početne obuke za novoimenovane sudije i tužioce, uključujući razvijanje sistema mentorstva u pravosudnim institucijama,
- Raditi na unapređenju programa stručnog usavršavanja u skladu sa potrebama pravosuđa,
- Nastaviti pružati podršku mehanizmima za ujednačavanje sudske prakse;
- Raditi na jačanju odjeljenja za (evidenciju)

„Koncept je odlično zamišljen. Najviše me interesuje sudska praksa, mada i ostale informacije mogu biti jako korisne.“

*tužilac Tužilaštva Bosne i Hercegovine*

“Centar je ispunio svrhu svog postojanja, te ga je potrebno dalje razvijati u skladu sa potrebama pravosuđa.”

*sudija Vrhovnog suda Republike Srpske*

“Od izuzetnog je značaja jednostavan i brz pristup sudskim odlukama. Bilo bi korisno da je uz odluku dostupna i druga dokumentacija iz predmeta.”

*Advokat, korisnik baze sudskih odluka*

Izražavamo svoju zahvalnost svim institucijama i pojedincima koji su u proteklih deset godina doprinijeli radu i razvoju Centra za sudske dokumentaciju Visokog sudskog i tužilačkog vijeća BiH.

Mi smo tu radi Vas, te Vas pozivamo da nam dostavite sugestije i komentare za dalji razvoj sistema

Visoko sudsko i tužilačko vijeće  
Bosne i Hercegovine  
Centar za sudske dokumentaciju  
Kraljice Jelene 88, 71 000 Sarajevo

Tel: + 387 33 707 500

Fax: + 387 33 707 550

E-mail: [csd@pravosudje.ba](mailto:csd@pravosudje.ba)

Web: [www.pravosudje.ba/csd](http://www.pravosudje.ba/csd)



Visoko sudsko i tužilačko vijeće Bosne i Hercegovine  
Visoko sudbeno i tužilačko vijeće Bosne i Hercegovine  
Високи судски и тужилачки савет Босне и Херцеговине  
High Judicial and Prosecutorial Council of Bosnia and Herzegovina



## CENTAR ZA SUDSKU DOKUMENTACIJU

10 godina podrške  
pravosuđu Bosne i Hercegovine

## TRANSPARENTNOST

Odgovarajući sistem izvještavanja o sudskoj praksi neophodan je za osiguravanje jedinstvene primjene prava. Morale bi se objavljivati presude vrhovnih i žalbenih sudova, i to ne kako bi se s njima upoznale samo stranke u pojedinom predmetu, već i sudovi, tužitelji, advokati, akademski krugovi i najšira javnost, a kako bi im se omogućilo da se na te presude pozivaju u budućim predmetima.

*Mišljenje CCJE-a br. 20*



Krajem maja 2018. godine obilježava se deset godina od uspostave Baze sudskih odluka Centra za sudsku dokumentaciju VSTV-a BiH.

Izbor odluka koje se objavljuju u bazi vrše Sud Bosne i Hercegovine, Vrhovni sud Federacije BiH, Vrhovni sud Republike Srpske i Apelacioni sud Brčko distrikta BiH.

Trenutno je dostupno oko 11.800 izabranih odluka. Prema svojim tehničkim karakteristikama, baza je u potpunosti usklađena sa evropskim standardima.

Ono što je čini jedinstvenom u regionu i šire je mogućnost pregleda svih odluka donesenih u jednom predmetu, od prvostepene do izabrane pravosnažne sudske odluke.

Baza je dostupna svim nosiocima pravosudnih funkcija, a uz godišnju pretplatu i korisnicima izvan pravosuđa.

## KVALITET

Centar koordinira sva pitanja u vezi sa edukacijom sudija i tužilaca iz nadležnosti VSTV-a BiH, te u ovom segmentu rada saraduje sa svim institucijama koje su uključene u proces edukacije u pravosuđu.

Pored toga, Centar na svojoj internet stranici nudi brojne sadržaje koje direktno ili indirektno mogu uticati na kvalitet rada sudija i tužilaca, uključujući:

- informacije o novousvojenim zakonima sa pratećim tekstovima,
- informacije o radu i praksi Evropskog suda za ljudska prava i Ustavnog suda BiH,
- biltene sudske prakse,
- edukativne publikacije, stručne radove i časopise, od kojih posebno izdvajamo časopis Pravna Hronika čiji je saizdavač VSTV BiH.



Kontinuirano pravno obrazovanje i stručno usavršavanje je pravo i obaveza svakog nosioca pravosudne funkcije.

Obuka je od suštinskog značaja za objektivno, nepristrasno i kompetentno obavljanje pravosudnih funkcija, zaštitu od neprimjerenih utjecaja, a iznimno je važno i za usklađivanje i predvidivost sudske prakse.

*Mišljenje CCJE-a br. 4 i 20*

## PРАВNA SIGURNOST

U državi koja se rukovodi vladavinom prava, građani opravdano očekuju da se prema njima postupa kao i prema drugima. Ako postoje više sudova s krajnjom nadležnošću za određena područja prava, neophodno je da se domaćim pravom predvide službeni ili neslužbeni mehanizmi za prevladavanje neusaglašenosti i da ti mehanizmi imaju objedinjujući učinak.

*Mišljenje CCJE-a br. 20*

Od 2014. godine, Centar pruža podršku radu Panela za ujednačavanje sudske prakse u kojima učestvuju predstavnici apelacionog odjeljenja Suda Bosne i Hercegovine, entitetskih vrhovnih sudova i Apelacionog suda Brčko distrikta BiH.

U okviru dosadašnjeg rada, sudovi su u građanskoj oblasti usaglasili ukupno osam pravnih shvatanja, kao i veći dio orijentacionih kriterija za utvrđivanje visine pravične novčane naknade nematerijalne štete.

Takođe, paneli iz krivične i upravne oblasti su kroz nekoliko inicijativa za izmjene zakona ukazali na kvalitet određenih zakonskih rješenja, uz prijedloge za njihovo unapređenje.

Dijalog koji se u okviru panela odvija između navedenih sudova prepoznat je u Vijeću Evrope kao primjer dobre prakse za osiguranje usklađenosti postupanja različitih sudova u činjenično istim ili sličnim predmetima, uz preduslov da je pitanje zakonski regulisano na isti način.

**Paneli za  
ujednačavanje  
sudske prakse**

